



## Universitätsbibliothek Paderborn

### V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicationem Pagina  
Indicabit

V. P. Gasparis Druzbicki, Societatis Jesu, Provisiones Senectutis, Per Tres  
Partes Distributæ - In quibus raræ ac penenecessariæ Veritates, cum  
omnibus Christi fidelibus, tum potissimum Gratiarum Cœlestium,  
lucrorumque æternorum avidibus, quà theoreticè, quà practicè  
proponuntur

**Družbicki, Kaspar**

**Ingolstadii, 1732**

**VD18 90066391**

Stimulus 4. Dei nostri erga nos Dilectio.

**urn:nbn:de:hbz:466:1-45462**

ante januam cæli subsistunt; ubi charitas præcipue fungitur, præcipue regnat, præcipue consummatur, & coronatur. Dicentis ergo Domini. *Si diligitis me, mandata mea servate,* sensus & voluntas hæc est: Per hoc mihi dilectionis vestræ perfectionem monstrabitis: si nunquam à charitatis mæ operationibus cessabitis, si semper in studiis charitatis perinanebitis, si semper in charitatis exercitiis & proficietis & perseverabitis. Si-  
cut enim ignis in nulla lignorum congerie dicit, sufficit: ita charitas neque inter hujus sæculi irruentia flumina, neque inter futuræ beatitudinis maria excidit.

### Stimulus IV.

*Dei nostri erga nos dilectio.*

**Q**uanta sit Dei nostri erga nos dilectio: pri-  
mùm omnium nobis id prodat & probet  
canticum dilectionis: ait ergo. *Fortis est ut mors* *Cant. 8. 6.*  
*dilectio, dura sicut infernus emulatio. Lampades*  
*eius, lampades ignis atque flamarum. Aquæ multæ*  
*non potuerunt extinguere charitatem, nec flumina*  
*obruent illam. Si dederit homo omnem substantiam*  
*domus sua pro dilectione, quasi nihil despiciet eam.*

Exposuit hæc omnia Divinæ super nos dilectionis encomia Christus Deus noster: magnificis exemplis ea illustrans atque confirmans: quale est unum illud. *Sicut Moyses exaltavit serpentem* *Joan. 3. 14.*  
*in deserto, ita exaltari oportet Filium hominis, ut*  
*omnis qui credit in ipsum non pereat, sed habeat vi-*  
*tam æternam. Sic enim Deus dilexit mundum, ut*  
*Filiū suum unigenitum daret, ut omnis qui credit*  
*in eum non pereat, sed habeat vitam æternam. Non*  
*enim Deus misit Filium suum in mundum, ut judicet*  
*mundum, sed ut salvetur mundus per ipsum. Ecce*  
*K.P. Druzib. Op. VII. P quo-*

quomodo Salomonem , hic plus quam Salomon, ad unguem interpretatus est, facit verò alibi aliam quoque ejusdem argumenti interpretationem

*Joan. 10. v. 10.* *hujusmodi.* *Ego sum Ostium:* per me si quis introierit : salvabitur, & ingredietur & egredietur, & pascua inveniet. *Ego veni ut oves meæ vitam habeant,* & abundantiūs habeant. *Ego sum Pastor bonus,* & agnosco meas, & cognoscunt me meæ. *Sicut novit me Pater,* & ego agnosco Patrem & animam meam pono pro ovibus meis. Majorem hac dilectionem habet nemo, ut animam suam ponat quis pro amicis suis. Hæc Dominus JESUS.

Apostolus autem ipsius Paulus. Majorem assignat charitatem in ipso Christo : quippe qui non pro amicis, sed pro impiis , pro peccatoribus, pro inimicis mortuus sit. Probare enim volens

*Rom. 5. 5.* Apostolus, quia *charitas Dei diffusa est in cordibus nostris per Spiritum Sanctum,* qui datus est nobis. utitur hoc argumento. *Ut quid enim Christus, cùm adhuc infirmi essemus secundūm tempus pro impiis mortuus est?* *Vix enim pro justo quis moritur,* nam *pro bono forsitan quis audeat mori.* Commendat autem charitatem suam Deus in nobis, quoniam cum adhuc peccatores essemus, secundum tempus, Christus pro nobis mortuus est. Multò igitur magis nunc justificati in sanguine ipsius, salvi erimus ab ira per ipsum. Si enim cum inimici essemus, reconciliati sumus Deo per mortem Filii ejus: multo magis reconciliati, salvi erimus in vita ipsius. Hucusque Paulus satis Apostolicè de Divina in nos etiam inimicos dilectione. Nec verò minùs dulce est & grande ad charitatem Dei in nos laudandam ab eodem dictum illud. *Deus autem, qui dives est in misericordia, propter nimiam charitatem suam qua dilexit nos,* & essemus mortui peccatis, convivificavit nos in Christo

Christo (cujus gratia salvati estis) & conresuscitavit,  
 & consedere fecit in cælestibus in Christo JESU, ut o-  
 fferenderet in seculis supervenientibus abundantes di-  
 vitias gratiæ sue, in Bonitate super nos in Christo  
 JESU. Supervenientia ista sæcula, aspectantia re-  
 dundantes hasce divitias Gratiæ Dei in bonitate  
 super nos in Christo JESU, & quænam putamus  
 esse, nisi nostra hæc, in quos fines sæculorum de-  
 venerunt: & qui in fines sæculorum devenimus?

Sed enim ecce adhuc charitatem Dei Joannes  
 Apostolus commendat nobis, ex ipsis, seu in ipsis  
 nobis, ait enim. *In principio erat Verbum & Ver-* *Joan. 1. 1.*  
*bum erat apud Deum, & Deus erat Verbum. Hoc v. 14.*  
*erat in principio apud Deum, omnia per ipsum facta*  
*sunt. Et Verbum caro factum est & habitavit in*  
*nobis. Quid Majestuosius: quam in principio*  
*esse Verbum, & Verbum esse Deum? quid amo-*  
*rosius, quam Verbum illud, carnem esse factum,*  
*& in nobis habitasse? An verò possit luculentius,*  
*simul ac nervosius explicari mentibus nostris,*  
*hoc totum Dilectionis Dei super nos negotium,*  
*quam explicatum legimus apud Lucam Evange-*  
*listam: omnia animæ fideli relinquo in medio ad*  
*judicandum. Ecce duo viri loquebantur cum Chri-* *Luc. 9. 30.*  
*sto in monte Thabor, erant autem Moyses & Elias, visi*  
*in Majestate, & dicebant Excessum ejus, quem com-*  
*pleturus erat in Jerusalem. quod Salomon voca-*  
*vit omnem substantiam, hoc plus quam Salomon*  
*Exaltationem & Majorem charitatem: quod Pau-*  
*lus nimiam charitatem, & abundantes divitias,*  
*quod Joannes verbum carnem. Hoc Lucas, sive*  
*cum Moyse Elias dixerunt Excessum ejus. Nimi-*  
*rumbrevi, sed totum Dilectionis Divinæ in nos*  
*profluvi diluviumque comprehendente verbo*  
*usus est, & eo demum processit, ut quo amplius*

pergit nihil supersit. Hic igitur subsistamus: & jam quid à nobis vicissim exigat ista Dei charitas erga nos, iste Excessus dilectionis ejus super nos, quid nos facere jubeat, advertamus, decernamus, exequamur. Neque antea desinamus, quām vel omnem substantiam domus nostræ exhibeamus pro dilectione: vel nimiâ charitate diligamus, vel excessum charitatis compleamus, quod si nunquam siet, nunquam ergo dilectio nostra in Deum cesseret, nunquam charitas nostra excidat, sed semper crescat, sed semper proficiat, semper & in singula momenta amplius & amplius invalescat, seraphinescat, fecundescat, in omne bonum opus, in omnem charitatis fructum, in omnem Dei voluntatem bonam, beneplacentem, & perfectam. Et his omnibus completis dicent nihilominus omnes animæ nostræ Deo. Amat charitas, amat immensitas Deus. Nos autem vicem rependimus in mensura, in gutta, in stilla.

### Stimulus V.

*Divini Cordis gustus & expletio.*

**A**bsque injuria Divinæ Majestatis simulque Bonitatis, nequit dubitari, de ejusdem tum desiderio, quo fertur in dilectorum despontarumque sibi Animarum perfectionem, perfectionisque assequendæ infatigabilem conatum, tum gaudio & gusto cordis ex ejus affectatione atque affecutione. Hæc est enim unica & sola merces, quam Divina Majestas & intendit & exigit, & expectat, & acceptat, à sua rationali creatura, pro suis beneficiis omnibus, quibuscumque eorum quamlibet dignatur, ut nempe pro omnibus collatis in se muneribus, sive naturæ sive gratiæ, afferant & offerant ei fructum sanctitatis & perfectio-